

## Chem chumafuy ta pu re che ñi che txokigeael ka ñi yamniegeael egün

- Lliwaniegeael ñi yamniegeafel ta che ka ti pu ñizolkülelu ñi chumekefel egün ñi yamniegeael ta che.
- Kom che ñi kimeltugeael kom feychi zugu nüwkülelu ta yamchegeael, ñi che txokiniegeael ta che.
- Mülenule ta yamüwün, che txokigenule ta che, ineygefule rume, müley ñi feypintukugeal ti pu yenielu tüfachi zugu new, fey ñi che txokigeafel ta che yamniegenuchi che, iney gepe rume.
- Ñi feypigeafel ti gobierno ka ti Kongreso egu, ñi reküluwael fillke zugu mülelu ta wallmapu mew fey ñi zoy küme yamniegeam ta che, fey ka ñi konafel ta ti gobierno, chew ñi weshalkamekegen ta che, ñi igkayafiel egün, fey ñi kutxanka niegenual egün.
- Ñi feypigeael ti poder judicial, ñi yenierpuael ñi igkachewün, rekülewülelu ti yamuwün zugu mew, feychi rakizuam mew.
- Ñi feypintukupuafiel ta justicia mew mülenufule ta yamüwün, kutxankawmekefule ta che fey ñi wiño yamgewetual, ñi küme rulpaantülewetual egün.
- Yamgeael ta che , ka feychi rakizuam ñi pefaluwal fillke che mew, ineygefule rume, ka txipache gefule rume, chew rume mülefule, müley ñi yagniegeael, ñi che txokiniegeafel egün, fillantü reke.



Kimeltuwün zugu

**Pu che ñi Yamuwün  
zugu, ñi che  
txokigeael.  
Feychi kimün**

Zoy zuamlimi kimal zugu müleymi tami kintual [www.indh.cl](http://www.indh.cl)

ka chi [facebook.com/indhchile](https://www.facebook.com/indhchile), ka twitter (@inddhh).

Eliodoro Yáñez 832, Providencia, Santiago. Fono: (56-02) 887 8800

# Ñi zoy küme zugu müleal ta Chile mapu mew, Yamgepe ta pu che pileaymün

## Müley ñi yamgeal ta che, zomo gepe kam wentxugepe rume

Ti yamüwün zugu, kom ti pu che ñi zugu erke, fey ñi küme mogeleael egün, fey mew müley ñi yamgeael ta che, ka ñi kizu günewküleael egün, Müley ñi üllamkagenoael egün, zomo gepe, wentxu gepe, katxipache gepe rume ka chem kakewmechi zugu mew rume ñi üllamkagenuael egün.

Kom ti pu che müley ñi yamgeael ka ñi che txokigeael egün, fey mew ñi ayiwkechi ñi mogeleael ta che, welu ñi mülenmu wezake rakizuam, üllamkawün zugu, ka ñi che txokigenun ta che ti pu günenielu ta nacion mew , kiñeke mew ta eluñmawkelaygün ñi che txokigeael ta che, Fey mew müley ñi weluke igkawmuael ta che, fey ñi yamgeael egün.

## ¿Chem zugu müley ñi yenieael ti Estado chileno fey ñi rüf yamgeael ta che?

Kom ti pu txokiñ zugu, konkülelu ta chumgechi ñi azkünuwkülen ti zugu ti pu estado mew, müley ñi igkanieafel ka ñi kellunieafel ta che, fey ñi yamniegeael ka ñi che txokiniegeael egün, femgechi may kom ti pu txokiñ zugu müley ñi nentunierpueal zugu.

- Müley ñi kellukonküleael ñi ayiwküleael ta che, ñi küme yenieael ñi mogen egün, ñi katxuntukunuael kümeke zugu.
- Igkanieafel ta che, ñi montunieafiel egün, fey ñi chem üñfi nu rume ñi puwlægenuael, ka ñi üllakagenoael ta che.
- Müley ñi küzawküleal ka ñi kellukonküleael fey ñi kümelkaleal kom ti pu che, fey ñi ayiwküleael ta che, femgechi ñi yamniegefel egün, ñi che txokiniegefel egün.

## Chumafuy ta che ñi rüf che ñi txokigeael, ñi yamgeael egün

Kakewmey ta zugu ñi igkageal ta che fey ñi yamgeael, ka ñi rüf che txokigeael.

### Chile mew mülechi chew ñi igkageken ta che

Yamgenogefule ta che, che txokikenufule egün, welu ti kakewmechi ley mew femgenuafel ga pilefule, müley ñi feypintukugeafiel egün.

### Ka nacion mew müleyechi chew ñi igkageken ta che

Kizu ñi nacion mew, feyentugenufule ñi weshalkamegeken ta che, müley ñi ka nacion mew mülechi igkawpeyem ta che ñi fetpintukugeafel feychi zugu.

### Chum künugefel ta zugu

Feyti chi pu küme azyenierpulu ñi mogen ka kakewmechi txokiñ zugu müleyelu ñi mogen mew, fey müley ñi feypintukunugeafel ti pu che yamchekenulu, che txokikenufilu ta che, fey ñi kümelkatuafel ñi mogen ti pu kutxankawmekelu.

### Ley zugu

Konkülenufule ti pu gobierno mew ka ti kongreso mew ti ka pu nacion mew txipachi zugu ñi yamgeael ta che , ñi che txokigeael, müley ñu feypigeael ti gobiero ka ti kongreso ñi koneltuafiel, feychi zugu, fey ñi zoy yamgeael ta che.

### Pu che ñi chumal egün

Yamgenogefule ta che ka, che txokinogefule egün, mülefuy ñi kiñewafel ñi zugu egün fey ñi kiñewün ñi igkawael egün fey ñi yamgeael ñi che txokigeael egün.

